

欽定剿平三省邪匪方略

欽定剿平三省邪匪方略正編卷一百十八

己未年

八月二十五日

辛亥

倭什布奏言李淑徐添德宋

應子等股賊匪前經

臣

於南保交界之北峯寺

歇馬河等處督兵剿敗賊卽四散奔逃俱向興

山後界坪一帶逸去當卽飛飭副將孫清元參

將全祿等帶領兵勇先行緊躡追襲

臣

亦卽帶

兵起程初七日行至保康縣之長岡嶺地方接

據該縣楊開鏡稟報賊匪被官兵打散後復聚  
爲兩大股奔往興山另有一股約二千餘人出  
保康壽陽坪竄至房縣冷盤堖并有一小股在

南漳馬良坪藏匿深林

臣

查馬良坪緊接襄陽

宜城最關緊要冷盤堖雖在房縣之南若向北  
竄亦可直達均州穀城等處刻下山西頭二兩  
起官兵適已到營合

臣

原帶之兵共有二千餘

名當卽分兵一千名令都司孫應奉帶領前往

冷盤亟截剿臣親率官兵一千餘名轉回南漳

趕赴馬良坪搜捕一面飛囑孫清元等直前趕

緊追擊初九日臣行至馬良坪訊據該處鄉勇

回稱實有賊數百人藏躲山麓樹林中臣當派

令官兵進內搜捕林中人俱出外跪地聲喊饒

命臣當傳知官兵不許殺戮隨逐一查點其男

婦大小四百十九名口訊據供稱均係房竹保  
康及平利大寧等處民人被賊裹脅入寨久暫  
不等日前賊匪在北峯寺被官兵打敗伊等約  
同乘間逃出走至馬良坪鄉勇疑係賊匪開放  
鎗礮伊等恐被殺害是以躲匿山林不敢出去  
等情臣察看各人俱未帶有器械且婦女幼孩  
居半其爲被裹投出無疑當即發交地方官遵

照現定章程各給照票分別咨送回籍

臣

於安

撫後隨即起程十三日行至興山三岔口適遇賊匪一股約有二千人由張風堽奔竄而來

臣

督率官兵開放鎗礮擊斃騎馬賊二名賊即捨命狂奔官兵緊躡追趕沿途擒獲袁長修等十七名并投出被裹民人八十六名訊據供稱此股首逆卽係宋蹙子前往歇馬河被官兵打敗

當由壽陽坪竄往冷盤堽聞有官兵前往剿捕  
卽從張風堽竄至三岔口欲尋李淑等合夥

臣

以該處距興山縣不遠恐其擾及縣治遂連夜

冒雨緊追賊匪卽翻越大山向西奔逃

臣

正在

窮追適接探報李淑徐添德兩股日前竄至興

山分爲兩路一入東湖縣之南陀地方經孫清

元等帶領兵勇抄前兜截一股直趨歸州

臣

查

東湖爲宜昌首邑先經

臣

飭令該鎮王凱派委

副將佛寧遊擊孫效前帶兵一千名前赴霧渡

河一帶駐守此時正可幫同孫清元迎頭截剿

似足遏其東竄之路惟歸州向無城垣殊爲可

慮適聞德楞泰已將房竹一帶賊匪痛剿其首

逆樊人傑劉維杞等業已竄回大寧後路悉就

肅清德楞泰現帶官兵已至興山界牌嶺

臣

飛



速知會德楞泰卽由界牌嶺繞往西路追剿宋  
慶子一股臣親率官兵倍道馳赴歸州應援茲

於十五日行至興山縣城接據代辦歸州事戴  
聖哲稟稱青城賊匪一股於初六日竄入州境  
該州旣無城垣居民又甚寥落僅有鄉勇數百  
名勢難抵禦是以先將監犯提赴川江南岸以  
免疎虞并令居民各赴南岸暫避免遭裏脅殺

害該州與同城武弁率鄉勇在州治北面山上  
竭力堵禦詎賊匪於初九日分爲三股以一股  
敵住鄉勇兩股分由東西山脚抄入州治致將  
官民房舍焚燬卽於次日由牛口窺入巴東境  
內因沿途有賊阻隔文報不通此稟係由宜昌  
一帶繞道投遞臣查青號賊匪本係徐添德今  
既西窺巴東是東入宜昌一股其爲李淑無疑

此時宋應子一股亦向西去勢將會合徐逆奔  
回川省現經德榜泰帶領重兵緊躡追剿正可  
與王凱兩面夾攻易於集事惟李淑一股仍在

東湖境內恐孫清元等所帶兵勇尙形單薄

也

卽由興山轉往東湖督同孫清元等相機兜剿  
再竹谿之向家壩界嶺等處向因緊貼大寧鹽  
場廠該處鄉勇甚多堵禦最力且交界一帶俱

係老林人跡罕到從無賊匪偷越是以竹谿境內止令義勇防守未經設有兵卡茲聞大寧壘場鄉勇多被衝散而賊匪被剿情急卽以老林爲藏身之所此次樊人傑等卽由界嶺竄奔大寧現在德楞泰之兵已赴東路剿辦設賊匪見官兵去後復又闖入竹谿爲兩省躲閃之計剿捕轉多棘手此時德楞泰所帶官兵共有六千

餘名合之臣現有兵勇已在一萬以外足敷剿

捕所有山西第三四五六起官兵共二千名已

陸續到襄臣現飭領兵各官按起帶赴竹谿交

與襄陽鎮總兵路超吉統率卽在最要之向家

壩界嶺一帶添卡分布堵禦較爲有裨奏入

上命軍機大臣傳諭倭什布曰此次倭什布派孫應

奉前往冷盤垣截剿竄匪一面親率官兵趕赴馬

良坪搜捕追擊不予賊以暇其被裹投出難民卽  
各給照票分別咨送回籍所辦尚是惟措內稱遇  
賊匪二千人由張風堽奔竄官兵開放鎗礮擊斃  
騎馬賊二名賊卽捨命狂奔情節未必確切此股  
賊匪既有二千其勢甚張經官兵擊斃二名焉肯  
卽行折竄且賊匪旣畏懼官兵又焉敢直撲營卡  
所奏恐係虛捏倭什布尙不免蹈從前軍營誑報

惡習殊屬非是至指內又稱聞德楞泰已將房竹  
賊匪痛剿首逆樊人傑劉維杞等已竄回大寧劉  
維杞一犯從未獲及該犯起自何時該處賊首究  
有幾股總未肯逐一臚奏往往於奏報著名首逆  
之下順便帶敘以圖掩飾尤爲軍營陋習賊匪忽  
分忽合本屬常技今李淑徐添德宋應子等旣已  
分股奔竄而高均德一犯向與樊人傑同夥此次

措內何以又未提及該犯現在逃往何處又與何股合夥總由虛誑成習欺詐遷延遂至自相矛盾不一而足並著查明具奏又賊匪因歸州向無城

垣竟敢抄入州治官民房舍間被焚燬深爲可恨該督務將該處被難民人妥爲撫卹毋令失所現在李淑一股仍在東湖境內奔竄倭什布已由與

山前赴該處督率孫清元相機兜剿務須奮力截



剿速擒首夥至徐添德宋應子俱奔回川省而樊  
人傑等亦由界嶺竄至大寧此時德榜泰之兵已  
赴東路剿辦正可併力夾擊將各股賊匪迅速殲  
擒肅清楚境再據奏現飭總兵路超吉在界嶺一  
帶堵禦聞該鎮業已衰老著倭什布查明如果精  
力已衰不能勝任卽另派幹員更換界嶺一帶最  
關緊要若令衰憊之員在被防者設賊匪竄至該

慮滋擾更復不成事體倭什布當據實查奏毋稍  
含混

二十六日壬子伯麟奏言查楚省剿捕竄匪刻下

正當喫緊之際且

盛京吉林等處官兵不日均可到彼所需馬匹更

關緊要必須迅速趕辦臣接奉

諭旨當卽札飭太原大同兩鎮並城守尉藩臬兩司

等預爲備辦查大原大同兩鎮向設額馬多有節次出征官兵乘騎前去至通省驛馬山西乃川陝要道差使繁多且常有遞送軍營文報亦未便過於多撥業經藩司陳文緯會同臬司李舟先行通盤籌備今臣細爲查酌太原大同兩鎮暨臣撫標左右營城守尉並通省驛馬現存七千二百餘匹各按所有多寡酌量抽撥統共

撥馬一千五百匹誠恐尚不敷用臣復思綏遠

城及右衛城守尉兩處滿洲營內共有額馬五

千餘匹馬匹產於口外就近買補更爲便捷臣

現已飛咨將軍永慶卽於兩處挑撥壯健馬一

千匹交與歸綏道齊布森點收專差解送大同

鎮另派弁員管解赴豫將來路過省城臣再行

出城親驗其抽撥省城滿洲營城守營并撫標

各營馬二百匹臣逐細點驗均屬臄壯現已派

委武弁帶領兵丁卽於八月二十三日先行遣

令起程其餘各處營驛馬匹分別咨行趕緊起

解兼程前往至前次抽撥營驛各馬自應作速

購買補額臣已飛飭藩司查照例價動項發給

買補至綏遠城將軍及太原大同二鎮各衙門

馬價銀兩現已飭司委員解送並飛咨河南撫

臣照依舊例預委大員前赴南陽點收餒養聽候楚省隨時就近調用奏入

上命軍機大臣傳諭伯麟吳熊光日前次派調官兵原欲令前赴湖北自應將馬匹解送南陽備用今吉林官兵係赴陝西協剿若將馬匹解赴南陽等侯程途未免迂遠計吉林官兵前赴陝西軍營約十月初十外方可到豫省地界著伯麟於所撥二

千五百馬匹內先行抽撥一千三百匹解至陝州  
一帶豫備並著吳熊光於陝西河南交界地方飭  
屬妥爲餵養以備吉林官兵經過乘騎其餘一千  
二百匹如各路軍營即可告竣黑龍江官兵毋庸  
添調此項馬匹即可備而不用倘黑龍江官兵尙  
須前往協剿卽將此預備之一千二百匹令其乘  
騎彼時或赴陝西或赴湖北俱俟臨期酌定再降

諭旨

二十七日

丑 奏

吳熊光奏言

臣

連日多差弁兵分

赴陝楚兩路偵探據報陝省張漢潮小股賊匪

經商州鄉勇者截尚在山陽商州交界往來奔

竄大股賊衆竄至五郎由金水河一帶向西逃

逸恒瑞慶成永保等帶兵分路追截並准倭什

布知會已飛咨明亮仍留陝省會同剿辦至湖



北賊匪探得首逆羅牛年卜三聘業經德楞泰  
擒獲其李淑等股在南漳地方經倭什布剿敗

後竄往興山保康一帶德楞泰現與倭什布會

兵夾擊臣察音兩路情形張漢湖大小兩股爲

數無多勢已窮蹙現在明臺等將廣兵多分路

兜圍自可悉數殲除不致再有滋蔓楚省雖屢

次克捷李淑等已折向西南奔竄第襄陽爲賊

匪起事之區屢據後犯供稱楚匪總欲竄回襄陽希圖煽惑勾結正李淑等一日未滅不特楚省地方一日未能以靖卽豫省東南兩面亦一日不能稍弛防範日聞川楚接壤之處尚時有賊匪在彼窺伺轉瞬秋冬之交江水漸落灘淺處所在在可渡則防守更難臣再四籌思所有

盛京官兵自應令其赴楚剿辦使楚境廓清則豫

省亦可臻寧謐。臣已於二十日寄知額勒亨額

帶兵徑赴南陽並派委河北道羅正墀馳赴安

陽入境首站妥爲迎護藩司恩明在黃河渡口

照料彈壓目下陝楚賊蹤雖距豫稍遠邊防仍

應嚴密是以臣暫駐荊子關適中之地調度策

應約計額勒亨額行抵南陽時臣卽馳往面見

將一切情形詳細告知令其徑由襄陽前進倘

屆期楚境賊匪業已剿盡或經截回全出楚境而張漢潮尙未撲滅卽令額勒亨額帶兵取道內鄉浙川前往商州亦屬便捷臣惟有隨時確

探相機妥酌不敢稍涉拘泥正在拜摺間適據探報李淑一股亦經官兵剿散逆首已折回川境餘匪尙在興山一帶遊奕看來楚境將次廓清但現有餘匪未淨統俟額勒亨額帶兵到南

陽時再爲臨期安酌

吳熊光又奏言

臣

欽奉

諭旨令查明亮追剿張漢潮賊匪情形

臣

查川楚各

股賊匪皆在漢江以南惟張漢潮一股於上年

春間竄至江北陝豫兩省官兵皆爲其牽制明

亮前赴陝省剿辦已及年餘其初因帶兵較少

山徑叢雜之區不敷兜圍以致賊前無所關截

官兵落後是追漸形疲乏不能得力迨今春蒙  
恩授爲叅贊大臣仍不卽將實在情形奏

聞復耽時日是其因循遲緩之咎實無可解免惟查  
去冬張漢潮闖入豫境後明亮一到豫省換易  
新馬卽親帶索倫兵丁星夜趕至賊前於下湯  
地方將賊擊散退回陝境本年七月探聞張漢  
潮竄近鄖陽該處兵力稍單明亮亦趕緊抄截

不令擾及楚疆似尚不敢有心貽悞至明亮前  
與永保在鍾祥一帶合營剿賊之時彼此意見  
不和臣在京時亦有所聞今伊等在陝會辦爲  
日無多實未聞有爭競齟齬情事近蒙

皇上屢次嚴加訓飭明亮等皆知凜懼軍務亦稍有  
起色現當賊勢窮蹙剿辦喫緊之時明亮永保  
尚係久歷戎行之人可否卹求

皇上天恩暫緩查究俟將此股賊匪剿盡後再行核  
其功過總難逃

聖明洞鑒

臣

仍留心查訪倘明亮果有挾嫌悞公實

情自當密行叅奏萬不敢瞻徇迴護均奏人

上命軍機大臣傳諭吳熊光曰吳熊光奏酌籌楚陝  
兩省剿賊緩急機宜令盛京官兵取道南陽赴楚  
所見甚是昨據倭什布奏宋應子徐添德等股向



西奔竄勢將折回川省而李淑等尙在東湖境內  
遊奕荆襄一帶最關緊要以目下情形而論自以  
楚省爲重此項盛京官兵應全赴湖北協剿更爲  
有益朕意如此但吳熊光總須俟額勒亨額至南  
陽時再行察看彼時情形從長商定爲妥其續調  
之吉林官兵自當令其赴陝剿辦張逆以期速行  
戡事至豫省與陝楚交界各卡隘該撫務飭令鎮

將等嚴密防諜勿稍疎懈又摺內稱羅半年卜三聘業經德楞泰擒獲一節卜三聘就獲已據德楞泰奏過羅半年是否成擒尙未續有奏報並著吳熊光隨時差探如陝楚兩省一有捷音卽當馳奏又所奏明亮永保帶兵情形甚屬公當該撫仍應留心查訪密奏也

二十八日

甲寅勅保奏言德楞泰自剿滅線字號

股匪並生擒逆首卜三聘龔其位等之後探得  
樊人傑等逆已由楚省竹谿之楊岔河折回川  
澆卽帶兵取道界嶺馳往截擊迨抵蕭家坡探  
明該匪等現屯房竹交界之長村壩地方德楞  
泰卽分派兵勇在大禾田等處分安營卡截其  
入陝之路親率將領由紅坪進剿七月二十九  
日晚間行抵黃龍洞察看賊匪尙在長村壩一

帶屯踞卽連屯聚兵出其不意先將郭家山頭  
中槍斃殺賊四十餘名我兵乘勝下壓直至長  
村壩賊衆慌亂盡棄牛馬食物而逃追殺一百  
二三十里於青龍坡梨子坪張公橋連打三仗  
除滾岩落澗及逃散不計外共殺賊九百餘名  
生擒賊目張世達一名廖其元等五百十一名  
投出難民龔承順陳宋氏等七百二十三名口

據張世達供稱此股係樊人傑與該犯二人爲  
老孽櫃在陝西地方合營後派令禹斯仁徐萬  
富爲元帥數月來在西鄉平利太平大寧等處  
邊界往來奔竄商量要回襄陽近日在竹谿房  
縣地方與兵勇打過幾仗卽在長村壩暫紮不  
想忽有六月從黃龍洞殺來我等連次潰散人  
馬損折大半樊人傑等現已逃回大寧徐添德

李淑齋不在此數內等供總榜秦因張世達係  
此股緊要頭目當卽派員押赴臣營將臨陣投

出及訊明被脅民人九百五十八名口給與銀  
米釋放回籍安插其餘真正逆匪概行正法德  
榜秦探明樊人傑餘匪尙有二千餘名已折回

川省大寧境內因准臣札催必須將楚境匪徒

全數肅清再回川境當卽遵照撥出總兵李紹

祖副將倭星額所帶原兵二千餘名追剿樊人  
傑一股並探聞竹谿竹山一帶已無賊蹤德楞  
泰卽於八月初二日由竹谿之巴斗圍取道直  
赴房縣與倭什布會商探剿徐添德等股匪至  
樊人傑等經此次痛剿之後晝夜由大昌西竄  
直逼夔城適值副將七格帶領廣東兵丁赴七  
十五一路該副將聞信卽往迎截於七星壩地

方殺賊一百二十餘名生擒黃光盈等十三名  
賊卽驚竄雲陽境內臣已飛飭七十五率同李  
紹祖倭星額七格等趁此賊勢潰散之際盡力  
窮追以期及早殄滅又額勒登保一路自杜家  
坪青岡嶺兩處殲殺楊開甲齊家營兩股賊匪  
之後仍將王登廷一股賊衆截回川境由竹峪  
關一帶追剿緣該匪避兵而行分作三四路奔



竄行蹤極爲詭秘初五日於通江之馬鞍寨地方探有數百人竄來額勒登保卽督兵進剿詎該匪等聞信又復奔逃祇殺斃賊匪三十餘名生擒黎貴等八名訊係王登廷之子王五可率領三百餘人在此潛匿相約見兵卽走以冀疲我兵力其情實屬可惡現聞王登廷已與鮮大川等合驍屯於獅子岡地方額勒登保卽帶兵

由蒿枝坪一路進剿因連日大雨河水陡發尙未得手其許文謨搜剿廣元餘匪與德齡等追剿之張金魁一股業經合夥於岳溪場安家山兩處接仗均有斬獲初六日追至萬縣所屬之陳家場山梁許文謨德齡與副將褚大榮分兵三路進攻已搶上山梁殲賊百餘名正在督兵剿殺不意溝內猝有賊匪潛出衝撲德齡後隊

據報逆擊盧陳謨陣亡德齡卽馳馬躍回奮力督戰粹受矛傷都司周士達直前接護同時被害兵勇亦有傷亡維時許文謨卽分兵馳擊賊始潰敗我兵盡力追殺斃賊二百餘名餘匪亡命狂奔連日由開縣東鄉一路追躡前進朱射斗所剿高二馬五等賊於太平大寧之老山林內輾轉竄逸在平頭坡關廟兩次殺賊百餘名

及三四十名尙未能痛加剷洗至竄楚賊匪據  
報徐添德李淑由保康擾及南漳邊界俊什布  
已帶兵在彼堵截德楞泰業由房縣前進正可  
兩面夾擊其羅半年一股細訊各路活賊咸稱  
並無其人又張添倫辛聰一股先經臣派令總  
兵德英額王凱馳赴興山協剿頃據探報巴東  
屬之石門子地方有賊欲由火峯衝至界嶺仍

回川境而王凱來稟又云李淑等股已由興山  
竄至歸屬白馬灘地方是否李淑等因聞德楞  
泰兵至復欲由興山折竄回川臣已飛飭德楞

泰並王凱等無論何股賊匪均當併力痛殲逼

歸川境剿辦斷不可縱入下游臣因竹谿竹山

一帶業已無賊現在額勒登保在通巴二路七

十五在雲萬一路朱射斗在太平大寧一路許

文謨在開縣東鄉二路均須就近調度是以仍  
在白塔驛地方駐劄惟有稟遵

諭旨札飭德楞泰將楚境之賊迅速剿除並督飭各  
路策勵將士上緊殺賊成功奏入

上命軍機大臣傳諭額勒登保魁倫曰勒保奏川楚  
各路截剿賊匪情形不過照常彙奏塞責而已卽  
如德楞泰倭什布兩路在大禾田房縣興山等處

打仗殺賊皆係七月及八月初旬之事早經德楞  
泰倭什布奏過勒保直至八月十八日各路報齊  
後始行具奏其怠玩遷延實出情理之外額勒登  
保經朕委以經畧重任斷不可如勒保之藉口居  
中調度安坐軍營務須察探賊情何處要緊親自  
帶兵速往剿辦卽與該處督兵剿賊之人如那彥  
成德楞泰明亮等聯銜具摺將此一路打仗情形

兵各員尙不在內卽照例折給亦須騎馬數千  
本省各營額馬止有一千八百餘匹內除先經  
川省調撥及現在隨帶出征外卽盡數調撥亦  
不過六七百匹又咨調荊州滿營馬一千匹此  
外因地方連年被賊滋擾客販聞風裹足購覓  
甚難若赴別省趕買遠不濟急不得不於附近  
隣省通融協濟臣已飛咨姜晟吳熊光於楚南



豫省各營內調撥臄壯好馬各一千匹趕解赴襄協應又官兵等應給駝隻亦須以騾折給本省各處趕雇現僅辦得數百頭不敷撥用因查河南地方雇騾較易臣亦咨明吳熊光飭屬代雇千頭就近解襄統備

盛京官兵應用之需目下山西官兵三千名已全數馳赴倭什布軍營協剿德楞額率領勁旅六

千餘名亦已趕抵房縣由紅坪一帶探迎截剿  
並接倭什布札知李淑等股賊匪連次被剿潰  
敗翻山由興山縣西南一路逃逸訊據賊供欲  
仍回川境此時兵威壯盛足資剿辦已飛咨明  
亮額勒登保仍回川陝勦賊毋庸再來楚省  
臣擬  
俟

盛京官兵抵襄時如楚省已將賊匪悉數殄滅或

通出楚境卽令由鄖陽一路前往川陝聽候調  
派至吉林黑龍江官兵若隨後到楚需用馬騾  
誠恐應付不及查前准勒保咨會陝甘各營額  
馬本多已札商松筠挑派健馬三千匹齊至西  
安以備分給

盛京官兵乘騎之用以

臣

愚見不若將此項馬匹

調赴豫省南陽該處近接襄陽一俟吉林黑龍

江官兵到來或卽由豫赴陝或由楚前進臨期酌量賊勢情形飛卽知會馳往以期大功早竣

奏入

上命軍機大臣傳諭高杞曰高杞奏籌備盛京等處官兵軍需馬匹前曾諭令吳熊光侯額勒亨額到南陽時與之面商若楚省賊勢尙熾則盛京兵二千名自應令赴楚省剿辦倘其時楚省各股賊匪

俱經官兵剿收或被殲擒或折回川省竹谿房縣  
東湖歸巴各處俱已肅清而張漢湖一股尙在陝  
境奔竄則盛京官兵應令前赴陝省交明亮帶領  
剿辦但吳熊光究係豫省巡撫在盧氏駐紮離楚  
稍遠察探賊情或不能盡確高杞係本省巡撫每  
日當有各屬稟報聞見更爲親切著該撫隨時察  
探楚北賊匪的確情形若實在無須盛京官兵赴

楚一面奏聞一面飛咨吳熊光停止即可令官兵  
赴陝再前因川省大寧等處賊匪分起闖入楚北  
慮其東竄荆襄一帶倭什布一路兵力較單恐難  
堵截是以於山西盛京兵外復添調吉林黑龍江  
官兵各一千名以資協剿嗣據倭什布奏李淑等  
股賊匪已被官兵剿辦而德楞泰又將首逆卜三  
聘及龔文玉等擒獲賊勢已形窮蹙皆往西南奔

竄東北一帶可保無虞而山西兵三千名又已全  
抵楚省足資辦賊是以將前調黑龍江兵一千名  
停止候信其吉林一千名令赴陝專剿張漢潮一  
股其需用馬騾無須高杞備辦摺內所稱札商松  
筠將所備健馬三千匹調赴豫省南陽等候吉林  
黑龍江官兵乘騎一節竟可不必著高杞卽行飛  
咨松筠停止如盛京兵二千名全赴湖北現有湖

北本省及河南山東豫備馬三千七百匹不必拘  
一兵三馬之例已足敷盛京兵二千名乘騎之用  
若盛京兵前赴陝省則湖北本省所調之馬仍當  
分歸各營高杞當察探楚匪實在情形從實妥辦  
不可因多費楚省軍需稍存靳惜以致稍有支絀  
與其少費而致延時日莫若多費而速行成功也

同日林僑奏言

臣

遵查川省自剿辦教匪以來



所用軍糧均係動撥各州縣倉穀碾米運供緣  
節經動碾存貯無多先經臣於嘉慶二年三年

兩次奏買穀一百六十萬石接續碾運茲因存

糧又復有限本年秋收豐稔臣現擬及時採買

用資儲備並無派及閭閻之事緣運米之時臣

與臬司先福公同合計各州縣存倉多寡數目

上次派過若干再行加派若干以便分別趕運

實係加派倉穀並非加派小民乃

臣於前摺內

誤用加派字樣未及詳細聲明實屬措詞含混

仰蒙

聖明垂詢倍切悚惶卽前借鋪戶銀六萬兩亦緣一

時軍餉不繼勢不得不與鋪戶通挪所借亦非

一次均於餉銀解到立即如數歸還並經酌給

利銀絲毫不致虧累至餉銀一項軍營應用各

欸均由隨營總理及該管道分段供支兵數多寡不齊歷時久暫不一究竟軍營尙需若干之處臣遠在省城一時未能核有確數惟是軍營需費浩繁仰蒙

皇上訓飭之後無不大加撙節總緣餉銀不能預行奏請兼之道路阻長應發之銀拖欠壓積以致餉銀甫到一經開發便覺無餘卽如省局於本

年六月初三日撥到餉銀九十萬兩加以舊管  
銀七萬三千餘兩並新收正雜銀二十二萬七  
千餘兩共計一百二十餘萬兩截至八月十五  
日止除支撥各款外僅存一十五萬餘兩而應  
支官兵俸餉各官養廉并各處運脚及軍火車  
需各項尙不一而足達州解到軍餉後七月初  
間卽奉福寧來札以請到餉銀不敷八月以後

之用飭

臣

指辦銀二三十萬兩以資接濟

臣

因

省城應支款項甚多但軍營更關緊要祇有將各款項暫緩支發先行湊集銀十萬兩已委員解赴達州此後省城亦不能續行添撥是各局急切需銀之處委係實在情形况軍營現在連次獲捷正當喫緊之時需用孔殷不容稍有缺悞卽倉穀亦急須乘時採買並現在查辦撫卹

事宜不但被賊之川東川北各處難民均須按月賑撫卽紛紛由賊營投出之人亦應隨時發給盤費合無仰懇

聖恩將所請餉銀先行賞撥俾濟要需至軍營應用銀數魁倫計日來川自能確切嚴查據實陳奏  
臣亦斷不敢稍有徇隱奏入

上命軍機大臣傳諭林僑曰林僑覆奏川省軍營應

用銀數恐未確實昨又撥部庫銀二百萬兩派廣  
興護送達州卽駐該處總辦糧務並諭令魁倫會  
同廣興將川省用過軍需銀兩及福寧如何浮冒  
侵蝕之處據實嚴查具奏無難水落石出林鶴雖  
不在達州經手糧餉然係本省藩司錢糧皆伊專  
責軍營支發款項必知其詳魁倫廣興到後林鶴  
若卽將福寧經手軍需如何任意提用各糧員如

何設法員種種弊端逐一告知或念該藩司在川有年熟悉地方情形其前次徇隱之咎或可從寬倘稍有徇隱一經魁倫等查出必將林僑一併治罪該藩司不值代人受過也

上命軍機大臣傳諭那啟泰曰前曾降旨諭該將軍選派一千名官兵前赴軍營現在各路剿辦賊匪均有職擒所派官兵應赴何路軍營之處尙未據



籌酌定見那啟奏接奉此旨著將所派官兵暫緩  
起程仍妥爲預備如軍營需用時再行降旨調撥  
卽業經起程諒亦不遠卽著調回等候

欽定剿平三省邪匪方略正編卷一百十九 己未年

九月初一日

丙辰

倭什布德楞泰奏言竊

臣

德楞

泰督率官兵由界牌嶺向西進發十五日行抵

長坪探聞有賊一股二千餘人在風玉坪攢聚

察看該處山勢稍平中道最險若一路進剿勢

難得手隨令副都統賽冲阿侍衛車森保等帶

兵由左手前進又派副都統阿哈保侍衛達勒

精阿等帶兵由右手搶上山梁臣德楞泰親督

副都統溫春遊擊達自祥等帶領馬步兵由中

路直進該匪亦分三路而上搖旗吶喊並放鎗

石抵拒連壓二次我兵不避鎗石奮力搶上山

頂短刃相接斃賊八九十冬生擒周禮書譚楊

氏等一百一十名口該匪等驚惶無措拚死竄

至龍溪河臣德楞泰卽令三路官兵奮力追殺

又殲賊一百餘名餘匪情急奔下龍溪河溝底  
官兵儘力跟追由龍溪河三岔河韓水河等處  
直至跟溝計程已有七十餘里斃賊四五百名  
生擒蔡應新等二百二十九名沿途溝河內淹  
斃男婦大小約二三百名兵勇割獻耳級四百  
六十八副餘匪四散向房縣九道梁一帶逃去  
時已昏黑將兵撤回此次打仗共擒獲賊匪三

百九名口訊據供稱賊中首逆卽係宋應子尙  
有趙建王天成二人僞稱將軍李淑等因見官  
兵追剿緊急商留此股在後等候官兵前來卽  
從後尾抄截以便前後牽掣當將該犯發交隋  
營道府研審內從逆已久並殺人放火者共四  
十九名立予正法其餘二百九十名俱係被裹  
良民當各咨送回籍臣德榜奏伏查此股業經

剿敗現在情形自以李淑等股爲重當卽移知

臣倭什布札飭防守房縣之副將樊英雄楚等帶

領兵勇就地搜捕臣等隨會晤熟商適接將軍

成德札稱李淑徐添德兩股賊匪被官兵剿殺

情急於十二日竄至巴東羅坪地方經總兵王

凱帶領將弁兵勇向前迎擊殺賊甚多該匪等

蜂擁力撲遊擊馬愷突入賊陣往來衝擊手刃

數賊力竭陣亡王凱被賊獲傷馬腿滾落山巖  
受傷尙輕惟時賊匪先已分出一股經該將軍  
督率兵勇施放鎗礮奮力打退賊匪隨由羅坪  
竄出楚省邊界折回川省巫山境內並據副將  
孫清元稟報日前分竄東湖一股係屬辛聰及  
張姓爲首該副將先由界嶺觀音堂抄赴東北  
截剿賊匪旋竄高龍寺隨分出一股約數百人

前往霧渡河焚掠經該副將派令守備王占鰲  
吳純俊等帶兵迎前截剿斃賊十餘名賊仍退  
回高龍寺十四日賊復竄至大林埡經該副將  
督率都司備弁等搶上前面山梁叅將全祿由  
賊後進攻賊卽潰奔官兵追殺二十餘里沿途  
斃賊一百餘名生擒四名奪獲騾馬器械甚多  
賊匪遂由紫草河竄往店子埡似有西入保康



之勢查李淑徐添德兩股現俱竄回川省此時  
在楚者止有辛聰張姓一股易於剿辦惟巴東  
羅坪一卡被賊衝出之後恐其乘隙折竄<sub>臣</sub>等

公同商酌派令參將李芝榮都司鄭宗寶帶領

山西官兵一千名馳赴巴東交與成德王凱統

率協同堵禦<sub>臣</sub>儘撈秦帶兵出黃連坪殷家店

等處馳赴店子<sub>臣</sub>截剿辛聰賊眾<sub>臣</sub>倭什布由

蝦蟆堽抄往板廟子以遏賊匪南竄之路並令  
孫清元仍於北面一帶相機攔截似此三面合  
圍可期迅速撲滅再楚境賊匪現惟辛聰張姓  
等一股人數不過二三千圍剿尙不費手所有  
盛京吉林黑龍江等處勁旅自應仍赴川陝協剿  
臣等已飛咨吳熊光俟各兵到豫妥爲照料就  
近由陝入川聽候勒保調遣奏入

上命軍機大臣傳諭倭什布德楞泰曰李淑徐添德等股竄至興山後經官兵連次剿殺現俱竄回川省其在楚省者止有辛聰張姓一股易於剿辦張姓想卽係張添倫此時若能卽將辛聰等迅速殲擒最爲盡善若賊匪被剿緊急復竄回川境則楚境必當防堵嚴密倭什布不必赴川仍在巴東邊界實力守禦毋使賊匪復行闌入前次李淑等四

股先後竄至湖北滋擾皆由倭什布未能督率各  
隘口將弁嚴密防堵所致本有應得之咎因念其  
尙能認真剿辦速將賊匪逼回川省是以不加譴  
責若此後復有賊匪闖入楚境則惟倭什布是問  
不能再爲寬貸至辛聰等未經擒獲之前德楞泰  
自應仍在楚省幫剿若已辦竣德楞泰係專派剿  
賊並非湖北守土之官不可藉詞防堵在楚逗遛

務須帶兵速赴川東緊躡李淑徐添德等賊蹤向西追剿現又降旨令額勒登保自西而東迎頭截擊正可與德楞泰兩面夾攻將李淑等迅洗殲除所有此次打仗陣亡之遊擊馬凱著咨部賜卹王凱被賊戮傷現在曾否平復並著遇便覆奏再停止盛京等處官兵赴楚一節所見甚是吳熊光接到該督咨會自當照辦也

上又命軍機大臣傳諭額勒登保魁倫曰李淑徐添德兩股賊匪因被官兵追剿情急竄至巴東羅坪地方復經王凱帶領將弁兵勇向前迎擊隨由羅坪竄出楚省邊界折回巫山境內此時楚省止有辛聰張姓一股易於剿辦已降旨令德楞泰於剿除辛張二逆後卽帶兵跟剿李淑徐添德一股赴川因思額勒登保所辦王登廷一股爲數無多自

不若李淑徐添德之緊要額勒登保當以截剿此  
股賊匪爲亟其王登廷一股專交魁倫剿辦並著  
額勒登保派令知兵勇幹鎮將數員前赴魁倫軍  
營幫同剿賊自可迅速完竣額勒登保務須探聽  
李淑徐添德向川省西南何路奔竄確蹤卽迎頭  
截住則額勒登保自西而東德楞泰自東而西爲  
兩面夾擊之計使二逆無路逸出卽可殲盡此股

兇悍賊匪於川省辦賊大局實爲有益再前派東三省兵除黑龍江兵一千名已停止候信外其吉林兵一千名本令前赴陝省盛京兵二千名吳熊光接據倭什布知會無須到楚自必亦令赴陝現派那彥成往陝督辦此項勁旅三千俱交那彥成明亮帶領剿辦張漢潮一股如張漢潮業經擒獲陝境肅清而川東之賊未淨額勒登保魁倫卽當



向陝省咨調若張逆尚須擒捕則額勒登保等不可卽向那彥成等調撥以致陝省稍有掣肘也

初三日

戊午

勒保奏言查樊人傑一股賊匪先經

德楞泰於竹谿之長村壩地方截剿回川德楞泰卽由房縣進剿李淑徐添德等股之賊臣當

派七十五率同李紹祖等帶兵追剿樊逆現據七十五報稱該匪等自奉節雲陽一路竄去連

口冒雨督兵跟蹤緊躡八月十四日於開縣月  
耳山地方趕及連夜發兵齊抵山下埋伏十五  
日天色將曙副將七格帶兵首先搶上山梁我  
兵一擁競進賊匪猝不及防被殲一百二三十  
人生擒吳積等二十七名餘匪由後山潰遁七  
十五卽帶兵緊追十六日巳刻至臨江市地方  
正值賊匪在彼炊飯一見官兵均各涉水竄逃

沿途殲獲甚多追至火峯寨山梁匪衆恃險抗  
拒七十五李紹祖分兵兩路齊上賊匪放鎗擲  
石抵禦相持兩時之久我兵於酉刻始得搶上  
大梁與賊攪殺一處斃賊四百餘名餘匪紛紛  
四竄守備桂涌千總楊富貴鄉勇頭桂直諫見  
有穿紅縉璫馬褂一賊率領數十人由小路奔  
下山溝桂酒等知係賊首卽帶兵勇馳往抄截

當將此賊生擒其大隊兵勇先後擒獲賊匪阮明等二百十三名又投出難民向其良等四百五名口滾崖落澗者二四百人搶獲賊旗器械四百餘件騾馬四十餘匹當令獲賊分別指認僉供係首逆龔建臣查龔建一犯先據夔州一

路節次具報原有龔建卜三聘兩股賊匪及至辦完線字號一股嚴訊龔文玉龔奇位卜三聘

均稱此股內並無龔建近日又未見報有龔建  
另股之賊茲忽於樊人傑股內擒獲臣恐有假

冒邀功情事當卽星夜飛提該犯來營面訊據

供伊與龍紹周唐大信徐萬富四人同時在大  
平之南津關地方起事嗣與龍紹周唐大信分

股後該犯與徐萬富自爲一股本年春間卽歸  
併樊人傑股內同竄供訊確鑿該犯實爲川省

起事首逆仰仗

天威臨陣生擒亦足以快人心而寒賊膽樊人傑率  
同敗殘餘黨數百人向大黃山一路竄逃已飛  
飭七十五等星夜督兵追捕再朱射斗一路官  
兵追剿高二馬五之賊自平頭坡關廟兩次接  
仗之後初八日追至中坪地方距賊只隔一山  
該匪等竟敢乘夜潛來撲營我兵早有準備將

雙溪名臣集卷之三十一  
賊匪分股擊退斃賊四十餘名生擒潘受榮等  
七名惟遊擊冶正恩黑夜乘勢下壓猝受鎗傷  
殞命次日朱射斗卽分兵兩路進剿賊已分路  
由烏龍溪竄逸我兵奮力追躡賊於中茅壩隔  
溝抵拒鎗箭所到斃賊七十餘名餘衆潰遁據  
朱射斗稟報因兩旬以來賊匪總在川省邊界  
老林奔竄未免糧運維艱輒轉窮追恐疲兵力

欲撤出老林就近覓道約同慶溥設法兜截同

日適據總兵德英額稟報前接

臣

札正擬赴巴

東與王凱會剿興山賊匪探聞李淑徐添德等

股匪衆已衝過羅坪距界嶺不遠德英額卽帶

兵馳往迎擊自係該匪等因倭什布德楞泰兩

路官兵追剿情急仍折回川境並聞王凱一路

有官兵損傷之事尙未查探確實

臣

恐德英額



兵力稍單不敷截剿自應先其所急隨一面飛  
飭慶溥於平利一帶實力堵禦高二馬五等賊  
一面卽飭朱射斗就近馳往夔巫一帶會同德  
英額相機迎剿計算德楞泰亦將必追躡前來  
正可收兩面夾攻之益至楚省境內之樊人傑  
一股先經德楞泰截剿回川而李淑徐添德等  
又經折回巫山是楚境現已肅清乘賊聚川之

時惟自上緊督剿以冀及早歲事再此次打仗  
七十五一路把總田武魁又朱射斗一路千總  
徐恩把總羅尙仁俱受傷陣亡其餘弁兵鄉勇  
間有傷亡查明另行咨部奏入

上命軍機大臣傳諭額勒登保魁倫曰勒保奏七十  
五等追剿樊人傑於開縣地方分兵進擊兩次殲  
斃賊匪百餘名擒獲二百餘名賊首龔建亦就擒

獲經獲賊指認屬實所辦尙好官兵在臨江市搶  
上山梁時守蒲桂涵等見有穿紅褶褶馬褂賊匪  
奔下山溝知係賊首卽馳往抄截當將此賊生擒  
訊明卽係賊首龔建寶屬奮勇可嘉桂涵著交魁  
倫卽以都司陞用楊富貴桂直誅俱著賞戴藍翎  
至李淑徐添德等脫匪衆已折回川境勒保飭令  
朱射斗就近馳往夔巫一帶會同德英額相機迎

截其高二馬五一股卽交慶溥於平利一帶竭力  
堵禦所辦亦尙爲得當現在楚省境內祇有辛聰  
張添倫一股賊匪昨據倭什布德楞泰奏人數不過  
二三千業經圍合剿辦該匪等原欲與李淑等股  
合夥滋擾今李淑等已被官兵逼回川境則辛張  
二逆其勢益孤此時倭什布德楞泰或已能乘勢  
剿除亦未可定卽尙未撲滅亦必將辛張二逆逼

剿入川是目下情形楚省已漸可肅清而川省又未免著重額勒登保魁倫當遵照昨旨奮力擊剿以期一鼓撲滅所有此次打仗陣亡之遊擊治正

恩千總徐恩把總羅尙仁田武魁俱著咨部賜卹

初七日

壬戌

松筠奏言竊

臣

前於查叅永保慶成

等事件籠統聲敘緣漢中距鎮安一千餘里情形僅據各州縣稟報是以未得其詳現在差弁

查詢慶成永保於七月十六日行抵舊縣關係  
在鎮安城北九十里住營一日十八日移營四  
十五里至野珠坪又住二日二十一日移營三  
十里至屹塔寺二十二日移營二十里至舊司  
在鎮安城東南五里又住四日二十七日移營  
四十五里至胡家嶺二十八日移營九十里至  
宋玉寄二十九日移營六十里至九間房三十

日移營六十里至紅巖子次日始行打仗中間  
住歇七日雖或因雨水或因探訪賊信究係逗  
遛遲延前此張漢潮竄至商州明亮隨後追剿  
慶成永保已折向西北繞至賊前正可兩面夾  
擊乃遲逾半月仍致張逆竄赴鎮安一帶明亮  
等雖各打仗而彼此終未能齊心協力認真剿  
辦查永保自華林失利之後其氣已餒觀望遷

延以致貽悞慶忠雖因初入境未諳情形亦不應隨同行止致延時日至明亮身爲叅贊係專辦賊股大員經年累月終未得手若云前無攔截之師則如額勒登保德楞泰在川楚屢擒首逆豈皆藉他人迎截是明亮亦不得專歸咎於慶成伊三人同爲貽悞軍機而永保係棄瑕錄用之員其罪較重明亮次之慶成又次之應



請

旨將明亮慶成永保革職解交刑部審訊分別定擬  
治罪至剿辦張逆此時正當喫緊臣卽赴江北

洋縣一帶查探情形督飭各地方官嚴密堵截  
再查南山境內跬步皆山路徑處處可通官兵  
不能隨地分屯必須本地鄉勇各爲戰守藉資

防禦現已飛飭周圍之各廳州縣團練勇壯給

以口糧示以賞罰地方官親身帶赴各境要隘  
每三四處派道府一員往來督辦一有警信卽  
由該道府調度或堵或剿相機並進賊匪雖狡  
猶異常出沒無定而布置周密斷不能復出範  
圍惟五耶孝義鎮安三廳縣爲賊匪往來必由  
之地居中扼要尙須幹員董率庶可彼此策應  
聲勢聯絡查按察使台斐音熟悉軍務情形

臣

卽札調令赴五郎駐札所有各路勇壯俱聽調

遣臣至洋縣相距不遠一切督同辦理奏入

上命軍機大臣傳諭那彥成松筠曰松筠奏永保慶  
成遲悞之罪俱屬公允永保前在鍾祥縱寇失利  
貽悞非輕朕不加追咎特派令前往陝省署理撫  
篆協同剿賊伊陞辭時復經朕將

皇考大漸時諄諄

道訓令軍機大臣面爲傳知使告伊兄勒保如永保稍  
有人心應如何竭力圖報乃到軍營後一味遷延  
觀望並不實力剴辦自華林敗衄後輒借餉銀改  
用木匣一節前赴寶雞逗遛多日並因與明亮素  
有私嫌心存妒忌總以繞道抄截爲詞其實避賊  
不進現在松筠查出移營日期每日不過二三十  
里至五六十里不等中間共計歇住七日之多實

爲可惡是永保竟係昧良負恩有心玩悞其罪甚  
重至慶成在京本未派令帶兵伊若不自行懇請  
亦無足責乃屢次自請前赴軍營帶兵剿賊而到  
彼後又復觀望不前惟依附永保不肯暫離互相  
推諉伊係統兵大員當賊匪奔竄時寧不應自當  
一路乃准知隨行逐隊同行同止以致稽延多日  
並未能痛殲賊匪其玩悞之罪亦無可道前已降

旨將永保廢成革職擊問著那彥成松筠將伊二人種種逗遛貽悞之處再行嚴切訊問按律定擬具奏現在台布甫經到陝而那彥成松筠俱係辦事公正之人自能核實持平秉公審斷不至稍有瞻顧至松筠奏稱貽悞軍務之罪永保爲重明亮次之慶成又次之所奏尙未允協明亮剿辦張漢湖一股經年累月總不能擒擊賊首掃除餘孽惟

以前無迎擊之人爲詞實爲怯懦無能但明亮屢  
次打仗尙有斬獲近日復將張漢潮大股賊衆繞  
截兜剿由鎮安一帶逼向西南明亮卽由鄖陽趕  
回商州復追至鎮安境內往來追殺尙知出力是  
伊三人之罪永保爲重慶成次之明亮又次之方  
爲得其平也那彥成松筠惟當留心察看如明亮  
能知愧懼奮力自効將來尙可將功折罪倘不知

梭改仍 延玩或亦如永保等有逗遛不進之事  
卽當一併據實參奏另候核辦至松筠所奏札調  
台斐音駐劄五郎各路勇壯俱聽調遣之處自應  
如此辦理

上諭內閣曰據松筠查奏慶成永保剿辦張漢湖一  
股自七月十六日至三十日中間住歇七日行走  
之日亦僅務營二三十里至五六十里不等其觀



望遲延之罪實無可辭慶成永保前已革職擊問  
永保之子英智英華亦著一併革職作爲旗下閑  
散慶成之弟慶長併著退出乾清門所有成都將  
軍員缺著阿迪斯補授

初八日

癸亥

魁倫奏言

臣

於途次節次奉到

諭旨並兩次

批回勒保奏摺候

臣 抵達州軍營將勒保嚴切審訊

不敢因伊一時調度得宜遂爾意存輕縱其廟  
寧總辦糧務有無餽送侵犯明亮慶成永保等  
果否挾私玩寇及領兵諸大員實在提用犒賞  
若干之處均當逐一詳查確核據實奏

聞至餉銀一項已蒙

聖恩俯准前後共撥發二百萬兩

臣

於經過地方俱

已面諭該文武官員預派兵役俟到境卽行迅

速接遞昨接潼關同知稟稱山西省所撥之四十萬兩已於本月十八日全行入陝計此時當已運抵寶雞縣入棧臣行至馬道驛地方遇見

松筠所派迎護餉銀之官兵四百餘員各前赴

寶雞接護餉鞘臣復諭令帶兵備弁務須加意

防護遊行臣入棧後察看沿路情形並面諭居

民以現在大兵雲集四路追剿不日賊匪即可

蕩平爾等切勿誤聽訛言自行驚擾際此秋收  
上稔民食自可無虞至川省各股賊匪分合無  
常現聞南江及廣元之百丈關尙有賊匪在彼  
竄突勢欲北竄入陝臣甫入川境於川省現兵  
若干何路就近可以派撥將領何人可以調遣  
之處尙未能備知詳細其防守百丈關之遊擊  
尤漢玉現已查明叅辦查百丈關雖有兵勇一

千名而帶兵之員僅有署守備之千總趙祥帶  
領把總外委數員在彼防守殊未穩妥

臣

卽派

現駐劍州防禦之都司富斌前往百丈關率同  
署守備等協力剿堵劍州地方賊氛稍遠

臣

已

派千總一員駐守現在川北一帶鎮將大員俱  
經分路出師在外地方緊要乏人彈壓查有同

臣

來川之護軍統領春寧曾經出師四次因令

暫行駐守廣元侯臣抵達州後棟派大員替回

再赴經畧大營聽候分撥領隊臣即日同安福

色玉慎傅陞等三人由保寧一路馳赴達州於

賁送經畧印信時一併將安福等三人交與經

畧派撥委用

魁倫又奏言竊臣欽奉

諭旨查明遊擊尤漢玉帶兵駐守有無避賊情事據

實具奏

臣

查七盤關民居間有被賊焚燒處所

並詢訪該遊擊並未常時在關防守因傳到尤

漢玉面加詰訊據供本年正月內賊匪探馬經

過七盤關放火焚燒民居彼時該關係已故叅

將徐南鵬防守遊擊並未到廣元縣至六月二

十四日賊匪竄入轉斗鋪遊擊由縣馳赴該處

賊匪已經東竄遊擊以城池緊要仍卽回守縣

城遊擊由行伍出身曾經出師金川等處及近年剿辦教匪前後身帶鎗傷四次矛傷一次蒙

恩賞戴花翎超陞叅將斷不敢遇賊退縮自干咎戾

臣

復詰以賊匪竄入廣元境內該府縣等尙且

率領鄉勇力行堵禦爾身爲武職反安居縣城

並不在關防守明係畏賊退避該遊擊自悔糊

塗誤以城池爲重只求從重治罪

臣

查該遊擊



於賊匪竄入邊境惟知固守縣城並不力據關  
隘顯係有心趨避藉詞狡飾殊難輕縱臣卽遵  
旨先將該遊擊尤漢玉革職拔去花翎惟現當軍務  
未竣正在需人之際仰懇

聖慈准令尤漢玉仍留川省自備資斧効力贖罪如  
果奮勉殺賊再行奏

聞奏入

上命軍機大臣傳諭魁倫曰魁倫奏遇見松筠所派  
迎護餉銀官兵飭令加意防護前進並於百丈關  
添派都司富斌前往協堵及囑令春寧暫駐廣元  
防守俟抵達州後再行添派大員替回所辦俱屬  
妥協又叅奏遊擊尤漢玉請革職拔去翎頂留營  
効力尤漢玉係前經勒保派在防堵廣元一帶並  
非專令守城前此賊匪竄入轉斗鋪地方該遊擊

在廣元聞信前往堵截賊匪已由龍家巖東竄尤  
漢玉並不在關防守的回縣城試思賊已東竄去  
縣已遠城池有何緊要乃輒藉守城爲名卽行馳  
回安居城內迨賊匪復竄至麻柳壩百丈關時尤  
漢玉又藉口調治鎗傷並不親往堵禦姑念尤漢  
玉屢次出師曾有微勞不卽重治其罪但僅令自  
備資谷隨營効力不足示儆且此等怯懦之員卽

留在軍營豈能出力尤漢玉著革職拔去翎頂卽  
在廣元地方枷號三個月示衆俾將來派赴廣元  
防守之員觸目警心知所懲戒俟枷號滿日再將  
尤漢玉發往伊犁効力贖罪

同日吳熊光高祀奏言竊

臣

吳熊光接據臬司

完顏岱稟稱探得大股賊匪竄入歸巴一帶分  
出小股北竄遠安而房縣南漳境內另有小股

賊蹤遊奕臣吳熊光以南漳逼近襄陽江岸甚

爲緊要卽由荆子關輕騎赴樊城巡察江防順  
便查看南陽新野一帶兵站旋於新野途次接  
准倭什布來咨李淑徐添德等股賊匪已由巴  
東竄回川省巫山境內此時楚境止有辛聰張  
妣等一股由保康突入房縣正在四面攻圍所

行

盛京吉林黑龍江等處官兵業經奏明仍令前往

川陝協剿無庸再來楚省

臣

吳熊光就近馳抵

樊城與高杞會晤並聞竄入房縣之賊已逃往

竹山竹谿看來亦有折回川境之勢適據探報

張漢湖大股在鎮安之鐵張鋪捨命渡河意欲

東竄因採玉窰一帶鄉勇防堵甚嚴賊復西竄

其在商南之小股亦有西奔之勢又有兩小股

在鎮安之南山老林逃竄臣等公同商酌前因  
賊有折回南漳之信是以奏請將

盛京官兵由襄陽前進今臣等前後抵襄如楚省

賊匪祇有一股卽日可以掃除况賊匪現向竹

山一帶奔竄有德楞泰倭什布帶兵跟蹤追捕

荆襄斷可無虞若

盛京官兵復由襄陽進剿徒成尾追不能得力而

陝省張漢潮尙在分股奔竄正宜乘此勁旅銳氣先將此賊殲除當卽商令

盛京官兵赴陝進剿查副都統額勒亨額帶領頭起官兵約計初二日可抵南陽應由鎮平內鄉浙川等縣入陝省之商州商南縣境雖程途不過五百里但係重山峻嶺本無車路可通官兵必需在豫換騎馬匹方可前進臣等一面知會



額勒亨額暫在南陽駐紮俾官兵稍憩一兩日

整頓軍裝一面飛咨陝省速將軍需等項趕解

商州臣吳熊光並將預備協楚之軍需各項調

貯南陽可以就近支給臣高杞亦將襄陽預備

各項趕緊解赴南陽臣吳熊光仍卽趕回親自

照料支放迅令前進臣高杞暫駐襄陽督辦一

切現在河南臬司完顏岱道員陳鍾琛等督領

兵勇在江北一帶分股巡防均屬認真民情亦俱寧謐再額勒亨額帶領

盛京頭起官兵於八月二十六日入豫省安陽縣境一路軍行甚爲迅速官兵亦極安靜隨後七起各間一日行走計二十日以前可以齊抵南陽查軍需定例馬匹馱騾鍋帳軍火等項兵到何省卽由該省就地支應此次官兵由豫改道

赴陝爲期緊迫臣等不敢拘於定例致有貽誤

現將河南湖北所備馬匹馱騾妥爲支放逐起

前進軍火鍋帳等項亦俱備帶前往臣吳熊光

並專派幹員攜帶銀兩隨營支應俟陝省委員

接辦再行回豫所有此次協濟陝省軍需卽由

豫楚兩省各自報銷又

盛京官兵二千名照一兵三馬之例應需馬六千

匹官員騎馬在外現在山西山東撥協馬匹尙未解到祇就豫楚兩省預備之馬儘數支放一時未能如數現擬每兵一名給馬一匹官員酌量撥給乘騎一面飛飭迎催山西山東所解馬匹俟解到時陸續由豫解赴陝省以資更換接濟再臣高杞前因各官兵赴楚剿賊是以奏請就近調用湖南馬匹今既改由豫省赴陝是此

項馬匹已可無需當卽飛咨停止奏入

上命軍機大臣傳諭松筠吳熊光高杞曰此時楚省賊匪漸就肅清而陝省追剿張漢潮一股正在喫緊額勒亨額改道赴陝旣已行抵南陽若仍前赴樊城未免紆折自應卽由鎮安一帶前往商州但軍需一切需用孔亟陝省一時不及備辦吳熊光卽於南陽貯備協濟項下就近支發而高杞又將

襄陽預備各項接濟南陽如此通融籌撥俾官兵  
得以迅速赴陝而軍需不致缺乏吳熊光高杞能  
以國事爲重毋分畛域不稍拘泥而吳熊光前赴  
樊城又復趕回照料均爲實心任事可嘉其所稱  
李淑徐添德等股賊匪已由巴東竄回川陝巫山  
境內此時楚境止有辛聰張姓一股官兵四面合  
圍可期卽日賊事亦與倭什布奏報情形符合可

見探聞屬實惟另片所稱盛京官兵二千各照一  
兵三馬之例需馬六千匹現據豫楚兩省預備之  
馬每兵一名給馬一匹已飛檄山西由東速解馬  
匹以資接濟一節官兵乘騎馬匹每兵一各有馬  
二匹亦足以資更換何必拘於三匹之例况山西  
原備馬匹已降旨令伯麟以一千三百匹解至陝  
州一帶預備吉林官兵經過乘騎其餘一千二百

匹亦係預備黑龍江官兵之用未可遽動而山東之馬僅五百匹且距陝較遠緩不濟急從前松筠預備健馬三千匹未經調撥此時官兵赴陝剿賊自應乘騎本省馬匹著松筠即將前備馬匹迅速解赴商州一帶以備便替較爲便捷